

## **Clypeus Theologiæ Thomisticæ**

In Tres Partes Divisus, Et Quinque Voluminibus Comprehensus

Tractatus de Beatitudine, de Actibus humanis, eorumque Moralitate, de  
Virtutibus ac Donis, de Vitiis ac Peccatis, & de Legibus, nec-non  
Dissertationem Theologicam de Probabilitate

**Gonet, Jean-Baptiste**

**Coloniæ Agrippinæ, 1671**

§. I. Referuntur sententiæ, & vera eligitur

---

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

ri, aut conservari possit? Ut autem omnis & qui-  
vocatio tollatur, & statutus hujus difficultatis,  
qua, ut re e dicunt Salmantenses, non est  
tam de re, quam de modo loquendi, clare percipi-  
atur.

Diligenter advertendum est, aliquid esse vir-  
tutem aliquam esse veram, & aliud esse perfe-  
ctam: tunc enim virtus aliqua vera dici potest,  
quando habet quidquid requiritur ad ejus es-  
sentialiam, & omnia praedicta essentialia sibi debita:  
tunc vero perfecta & virtus simpliciter  
appellatur, cum habet omnia ad suam perfecti-  
onem & statutum connaturalem requisita. Hoc  
primitio, sit

## §. I.

Referuntur sententiae, & vera eligitur.

**C**irca propositam difficultatem duae sunt ex-  
tremæ sententiae, & alia media. Scotus e-  
nim in 3. dist. 36. q. 1. docet non solum  
veras, sed etiam perfectas virtutes posse sine chari-  
tate reperiri, quamvis non sint ita perfe-  
ctæ sicut illæ, quæ cum charitate reperiuntur.  
Janenitæ vero in alio extremo poli, negant  
veras & propriæ dictas virtutes posse sine chari-  
tate reperiri. Quam opinionem amplectitur eti-  
am Joannes à S. Thoma hic disp. 7. art. 7. ubi do-  
cet virtutes acquisitas destrui quoad essentialiam  
indirecte, & consequenter ad destructionem  
charitatis; quia tollitur conversio ad Deum, ne-  
dum ut finem supernaturalem, sed etiam ut na-  
turalem, sine qua nulla vera virtus subsistere  
potest. Pro explicatione media & veræ sen-  
tentiae:

Dico primo, acquiri posse veras virtutes, aut  
acquisitas conservari sine charitate.

**4.** Probatur primò ex D. Thoma hic q. 1. s.  
art. 2. in corp. ubi sic ait: *Virtutes morales prout  
sunt operatæ boni in ordine ad finem, qui non exce-  
dit facultatem naturalem hominis, possunt per opera  
humana acquiri;* & sic acquisite sine charitate esse  
possunt, scilicet fuerunt in multis Gentibus. Quibus  
verbis utrumque afferit, & quod virtutes natu-  
rales possunt acquiri sine charitate (quomodo  
fuerunt à Gentibus acquisitæ) & quod possunt  
sine charitate conservari.

**5.** Probatur secundò: Philosophi Ethnici, ut Ari-  
stoteles, Plato, & alii, quibus nihil supernatura-  
lium innovavit, agnoverunt veras & proprias vir-  
tutes morales, earumque essentialiam & praedica-  
ta quidditativa descripserunt: Ergo virtutes  
morales, quantum ad suam essentialiam & praedi-  
cata quidditativa, à charitate non dependent;  
subindeq; sine illa acquiri & conservari possunt.

**6.** Probatur tertio: Nihil est quo per ablacio-  
nem charitatis destruantur virtutes morales  
pluribus actibus acquisitæ à justo in statu gra-  
tia, quia non dependent à charitate, nisi solum  
quoad ordinem in finem supernaturalem, qui  
non est de ipsarum essentialia, sed perfectio quæ-  
dam eis per accidens superaddita ex vi imperij  
charitatis; & aliunde habitus acquisiti pluribus  
actibus, non destruantur totaliter unicō actu  
contrario: Ergo virtutes acquisitæ in statu gra-  
tia possunt deficiente gratiâ adhuc remanere  
quoad essentialiam.

Quod vero possunt sine gratia & charitate ac-  
quiri, ex eo ostenditur, quod existens in peccato  
mortali non semper male operatur, sed multi-  
tudes potest se bene moraliter exercere circa

Tom. III.

A' materias virtutum moralium, putâ moderando  
passiones, &c. Ergo potest per hujusmodi  
exercitium acquirere habitus inclinantes ad si-  
miles actus, qui cum respiciant determinatè bo-  
num, habebunt veram virtutis essentialiam, quæ  
in hoc consistit, quod sit inclinatio ad bonum  
determinata.

Dico secundò, nullam virtutem simpliciter,  
& perfectè talem acquiri, aut conservari posse  
sine charitate.

Probatur primò: *Virtus perfecta non potest  
esse sine perfecta prudentia:* Sed perfecta pru-  
dentia non manet ablatâ charitate per pecca-  
tum: Ergo nec perfecta virtus. Major patet,

B Minor probatur. Prudentia corrumpitur per  
peccatum, & quamvis non destruatur totaliter  
per quodcumque peccatum, bene tamen ex par-  
te, quatenus appetitus male disponitur circa fi-  
nes virtutum moralium, quâ malâ dispositione  
existente non potest esse firmum & rectum ju-  
dicum de agendis in omni eventu: Ergo per-  
fecta prudentia non manet ablatâ charitate per  
peccatum.

Probatur secundò: *Perfecta virtus non stat* 47.  
cum facilitate ad peccandum. Sed hoc ipso  
quod aliquis labitur in peccatum mortale, con-  
trahit facilitatem ad peccandum; quia ut ait  
Gregorius homil. 11. in Ezechiel. *Peccatum,*  
*quod mos per penitentiam non deletur, suo pondere  
trahit ad aliud.* Ergo perfecta virtus sine chari-  
tate stare nequit. Major patet: quia de ratione  
virtutis perfectæ est reddere opus bonum faci-  
lè, peccatum vero difficile.

Confirmatur: Existens in peccato non potest 48.  
in sensu composito esse dispositus ad eligendum  
medium in materia cuiuslibet virtutis contra-  
quodcumque impedimentum; cum sit conver-  
sus ad aliquid omnino contrarium alicui virtuti,  
nempe ad objectum peccati, & finem proximi-  
mum aplius, putâ ad delectabile tacitū, aut gu-  
stus: Ergo non habet virtutem perfectam & sim-  
pliciter dictam.

D Confirmatur amplius: *Virtus perfecta facit* 50.  
habentem simpliciter bonum, ut constat ex de-  
finitione virtutis: Sed existens in peccato, &  
carens gratiâ & charitate non potest dici sim-  
pliciter bonus: Ergo carens gratiâ & charitate  
virtutem perfectam habere nequit.

Ex quibus intelliges, virtutes, quæ possunt  
esse in homine peccatore, quamvis retineant  
essentialiam virtutis, esse tamen ita imperfectas,  
ut virtus nomen non mereantur; quia carent  
ordine ad ultimum finem, tam naturalem, quam  
supernaturalem, saltam ex parte operantis, &  
habent potius statutum dispositionis, quam habi-  
tus, cum facilè sint mobiles à subjecto ob prava-  
m dispositionem appetitus; nec extenduntur  
ad eligendum medium in omni eventu, &  
contra quodcumque impedientia: quamvis, ut dixi-  
mus, adhuc sint virtutes quoad essentialiam, quia  
ex natura sua tendunt ad bonum, & aliunde pos-  
sunt, quantum de se, habere statutum habitus,  
& perfectæ virtutis.

## §. II.

Solvuntur objectiones.

C Ontra primam conclusionem objiciuntur 51.  
primis Adversarij varia Patrum testimo-  
nia, quibus afferitur peccatores & infideles nul-  
lam